

ЎЗБЕКИСТОН РЕСПУБЛИКАСИ  
АДЛИЯ ВАЗИРИНИНГ  
БҮЙРУҒИ



ПРИКАЗ  
МИНИСТРА ЮСТИЦИИ  
РЕСПУБЛИКИ УЗБЕКИСТАН

2018 йил “19” ноябрь.

№ 533 -мх

«\_\_\_» ноября 2018 года.

**Профессионал медиаторлар реестрини шакллантириш  
ва юритиш тартиби тўғрисидаги низомни тасдиқлаш ҳақида**

Ўзбекистон Республикасининг “Медиация тўғрисида”ги Конунига асосан,



**БУЮРАМАН:**

1. Профессионал медиаторлар реестрини шакллантириш ва юритиш тартиби тўғрисидаги низом иловага мувофиқ тасдиқлансан.
2. Мазкур буйруқ давлат рўйхатидан ўтказилсан ҳамда Ҳукумат баённома қарорлари ва идоравий норматив ҳужжатларни хуқуқий экспертизадан ўтказиш бошқармаси Идоравий норматив-хуқуқий ҳужжатларнинг давлат реестрига тегишли ёзув киритсан.
3. Қонун ҳужжатларини таҳлил қилиш ва туркумлаш бошқармаси ушбу идоравий норматив-хуқуқий ҳужжатни “Ўзбекистон Республикаси қонун ҳужжатлари тўплами” – “Собрание законодательства Республики Узбекистан”да ҳамда Ўзбекистон Республикаси Қонун ҳужжатлари маълумотлари миллий базасида эълон қилинишини таъминласин.
4. Мазкур буйруқ 2019 йил 1 январдан кучга киради.
5. Мазкур буйруқнинг ижросини назорат қилишни ўз зиммамда қолдирман.

**Вазирнинг  
биринчи ўринбосари**

Тошкент шахри

**Н. Жўраев**



Ўзбекистон Республикаси  
адлия вазирининг  
2018 йил “20” ноябрдаги  
~~533-147~~ сон буйргуга  
ИЛОВА

## Профессионал медиаторлар реестрини шакллантириш ва юритиш тартиби тўғрисидаги НИЗОМ

Ушбу Низом Ўзбекистон Республикасининг “Медиация тўғрисида”ги Конунига мувофиқ Профессионал медиаторлар реестрини шакллантириш ва юритиш тартибини белгилайди.

### 1-боб. Умумий қоидалар

1. Мазкур Низомда қўйидаги асосий тушунчалардан фойдаланилади:

**профессиоnal медиатор** – Ўзбекистон Республикаси Адлия вазирлиги томонидан тасдиқланадиган медиаторларни тайёрлаш дастури бўйича маҳсус ўқув курсидан (бундан буён матнда маҳсус ўқув курси деб юритилади) ўтган, шунингдек Профессионал медиаторлар реестрига киритилган шахс ҳисобланади;

**Профессионал медиаторлар реестри** (бундан буён матнда Реестр деб юритилади) – Қорақалпоғистон Республикаси Адлия вазирлиги, вилоятлар ва Тошкент шаҳар адлия бошқармалари (бундан буён матнда ҳудудий адлия органлари деб юритилади) томонидан юритиладиган профессиоnal медиаторлар ҳақидаги маълумотлар акс эттирилган, доимий янгилаб туриладиган ягона маълумотлар базаси.

2. Ўзбекистон Республикаси Адлия вазирлигининг Ҳуқуқий хизмат кўрсатишни давлат томонидан тартибга солиши бошқармаси ҳудудий адлия органлари томонидан Реестр юритилишини мувофиқлаштириб боради.

3. Профессионал медиаторлар тўғрисидаги маълумотларни Реестрга киритилиши профессиоnal медиаторнинг мақомини расмий тасдиғи ҳисобланади ҳамда профессиоnal медиатор тўғрисидаги маълумотларни Реестрга киритиш ва бу ҳақда тегишли билдиришнома бериш орқали амалга оширилади.

Реестрни юритишида профессиоnal медиаторнинг фаолиятига аралашишга йўл қўйилмайди.

4. Профессионал медиаторлар тўғрисидаги маълумотларни Реестрга киритиш учун тўлов ундирилмайди.

5. Реестр ҳар чоракда камида бир марта янгиланиши керак.

### 2-боб. Реестрни шакллантириш

6. Шахс маҳсус ўқув курсидан ўтгандан сўнг ушбу Низомнинг 1-иловасига мувофиқ шаклда Реестрга киритиш ҳақидаги ариза билан доимий яшаш жойидаги ҳудудий адлия органига мурожаат қиласи. Аризага қўйидаги хужжатлар илова қилинади:

паспорт нусхаси;

мазкур Низомнинг 2-иловасига мувофиқ тўлдирилган сўровнома;

маҳсус ўқув курсини тутатганлиги тўғрисидаги хужжат нусхаси.



7. Ҳужжатлар тегишли ҳудудий адлия органига бевосита, поча алоқа бўлими орқали ёки электрон шаклда қонун ҳужжатларида белгиланган тартибда улар олингандиги тўғрисидаги билдиришнома олинган ҳолда тақдим этилади.

8. Ариза берувчи тақдим этилган ҳужжатларнинг ишончлилиги ва қонун ҳужжатларига мувофиқлиги учун жавобгар хисобланади.

9. Ҳудудий адлия органи 15 иш куни ичида тақдим этилган ҳужжатларга асосан ариза берувчининг Ўзбекистон Республикаси “Медиация тўғрисида”ги Қонунининг 12-моддаси талабларига мувофиқлигини ўрганиб чиқади.

Ҳужжатларда камчиликлар аниқланмаган ҳамда ариза берувчи кўрсатиб ўтилган талабларга мувофиқ бўлган тақдирда, у Реестрга киритилади. Реестрга киритиш ҳудудий адлия органи раҳбарининг буйруги билан расмийлаштирилади.

Ҳудудий адлия органи ариза берувчига Реестрга киритилганлиги тўғрисида билдиришнома юборади.

10. Ҳудудий адлия органи ҳужжатлар тегишли равишда расмийлаштирилмаган ҳолда тақдим этилганда ёки ҳужжатлар тўлиқ тақдим этилмаганда ёхуд ариза берувчи Ўзбекистон Республикаси “Медиация тўғрисида”ги Қонунининг 12-моддаси талабларига мувофиқ бўлмаганда Реестрга киритишни рад этади.

Ҳудудий адлия органи ариза берувчига Реестрга киритишни рад этиш асосларини кўрсатган ҳолда билдиришнома юборади.

### **3-боб. Реестрни юритиш**

11. Реестр мазкур Низомнинг 3-иловасига мувофиқ шаклда юритилади.

12. Реестрда профессионал медиаторлар тўғрисидаги қўйидаги маълумотлар кўрсатилади:

профессионал медиаторга берилган тартиб ракам;

Реестрга киритилган сана;

профессионал медиаторнинг фамилияси, исми, отасининг исми;

профессионал медиаторнинг жойлашган ери ва алоқа боғлашга доир маълумотлари (телефон раками, электрон манзили);

профессионал медиатор ихтисослашган медиация соҳаси;

профессионал медиатор медиация тартиб-таомилини амалга оширишга қодир бўлган тил ҳақидаги маълумотлар;

максус ўкув курсини тутатганлиги тўғрисидаги ҳужжат реквизитлари;

Реестрдан чиқарилган сана;

кўшимча маълумотлар.

13. Реестрдаги маълумотлар ўзгарган ҳолларда профессионал медиатор уч иш кунида тегишли ҳудудий адлия органига хабарнома юбориши керак.

Ҳудудий адлия органи мазкур хабарнома асосида икки иш кунида Реестрга тегишли ўзгартиришларни киритади.

14. Профессионал медиатор қўйидаги ҳолларда Реестрдан чиқарилиши мумкин:

Реестрдан чиқариш тўғрисида ариза берганда;

вафот этганда;

доимий яшаш учун Ўзбекистон Республикасидан ташқарига чиқиб кетганда;

бир йилдан ортиқ муддат мобайнида у тўғрисида маълумот олиш имкони бўлмаганда, ҳудудий адлия органининг тегишли таркибий тузилмаси холосасига кўра;

Ўзбекистон Республикасининг “Медиация тўғрисида”ги Қонуни 12-моддасининг бешинчи қисмида назарда тутилган ҳолатлардан бири юзага келганда.

Профессионал медиаторни Реестрдан чиқариш ҳудудий адлия органи раҳбарининг буйруғи билан расмийлаштирилади.

#### **4-боб. Якуний қоидалар**

15. Ҳудудий адлия органлари Реестрдаги маълумотларни даврий равишида, аммо ҳар чоракда камида бир марта янгилайди ҳамда умумлаштириш учун Ўзбекистон Республикаси Адлия вазирлигига юборади.

Реестр Ўзбекистон Республикаси Адлия вазирлигининг расмий веб-сайтида эълон қилинади.

16. Адлия бошқармалари маълумотларнинг Реестрга тўғри, ўз вақтида киритилиши ва янгиланиб борилишига масъул ҳисобланади.

17. Профессионал медиатор Реестрга киритиш рад этилганлиги, ундан чиқарилганлигидан норози бўлса, белгиланган тартибда судга ариза билан мурожаат қилиши мумкин.

18. Мазкур Низом талаблари бузилишида айбдор бўлган шахслар қонун ҳужжатларида белгиланган тартибда жавобгар бўлади.

Профессионал медиаторлар реестрини  
шакллантириш ва юритиш тартиби  
түғрисидаги низомга  
**1-ИЛОВА**

---

(худудий адлия органининг номи)

---

---

(ариза берувчининг Ф.И.О. яшаш жойи)

---

**Профессионал медиаторлар реестрига киритиш хақида**  
**АРИЗА**

---

(фамилияси, исми, отасининг исми)

профессионал медиаторлар реестрига киритишни сўрайман.

Ихтисослашган медиация соҳаси: \_\_\_\_\_.

Медиация тартиб-таомилини амалга оширишга қодир бўлган тил: \_\_\_\_\_.

Боғланиш телефони: \_\_\_\_\_

---

(тўлдирилган санаси ва вақти)

---

(аризачининг имзоси)

---

(қабул қилинган санаси ва вақти)

---

(қабул қилган масъул ходимнинг имзоси)

Профессионал медиаторлар реестрини  
шакллантириш ва юритиш тартиби  
тўғрисидаги низомга  
2-ИЛОВА

**Сўровнома**

1. Фамилияси \_\_\_\_\_

Исми \_\_\_\_\_

Отасининг исми \_\_\_\_\_

расм

2. Туғилган санаси: \_\_\_\_ йил «\_\_\_\_» \_\_\_\_.

3. Паспорт серияси \_\_\_\_ рақами \_\_\_\_.

Берилган санаси 20\_\_\_\_ йил «\_\_\_\_» \_\_\_\_.

Ким томондан берилган \_\_\_\_\_

4. Маълумоти: \_\_\_\_\_

(ўқув юрти номи)

Тамомлаган йили \_\_\_\_\_ Диплом бўйича мутахассислиги \_\_\_\_\_

Илмий даражаси, илмий унвони (агар мавжуд бўлса) \_\_\_\_\_

5. Меҳнат дафтарчасидан иш стажи ҳақидаги маълумотлар:

т/р	Ишга кириш санаси	Ишдан кетиш санаси	Иш жойи ва лавозими
1.			
2.			
...			

6. Судланганлик ёки жиноий таъқиб ҳолати \_\_\_\_\_

7. Ўзига нисбатан муомала лаёқатини чеклаш ёки муомалага лаёқатсиз деб топиш тўғрисида суднинг қарори мавжудлиги \_\_\_\_\_

8. Уй манзили: \_\_\_\_\_

9. Электрон почта манзили \_\_\_\_\_

10. Богланиш телефони (код кўрсатилган ҳолда) \_\_\_\_\_

11. Сўровномадаги маълумотларнинг ҳақиқийлиги ва тўғрилигини тасдиқлайман.

Сўровнома тўлдирилган сана: 20\_\_\_\_ йил «\_\_\_\_» \_\_\_\_.

Шахсий имзо \_\_\_\_\_

# Профессионал медиаторлар реестрини шакллантириш ва юритиш тартиби тұғрисидаги низомга 3-ИЛОВА

## **Профессионал медиаторлар РЕЕСТРИ**